



Projet promovût di 'La Vôs dai Furlans' e 'ARLeF'

**Daria e Bete
nus insegnin...**



Ce ise daûr a cumbinâ Bete cu lis mans pituradis di ros e di vert? Sigûr cualchi lavorut pes fiestis di Nadâl!

Cjalìn insemi la pontade di *Maman!*
"Tradizions di Nadâl de Valcjanâl" su



**Lu saveviso
che...?**

Il bastonut di zucar al è une caramele a strichis rossis e blancjis che si mangje soledut sot Nadâl. Al è un bombon lunc e fin e cuntun cjaveç a forme di rimpin. Al sa di mente e, come pai lecheleche, no si mastie ma si supe planc plancut. Dispès si lu picje tant che decorazion par fâ plui biel l'arbul di Nadâl. E voaltris, vêsso mai cerçât chest dolçut?



Cumò fâs tu!


Cjale i pipinots di nêf chi sot e rispuint:
Trops àno la siarpe verde? Trops àno i voi sierâts? E trops àno alc in man?



**Ridi
a plene
panze!**

Cuâl isal il colm par un pipinot di nêf?
Disfâsi pe emozion!

Pontut par pontut... e piture!



LES IMAGES A SON GIANADIS FÜRDI HTTPS://IT.FREEPK.COM - HTTPS://PKAGAY.COM - HTTPS://ARLEF.IT/

Pagine curade
dal Sportel Regionâl
pe Lenghe Furlane de

ARLeF
AGENZIE
REGIONÂL
PE LENGHE
FURLANE

Vuelistu tornâ
a viodi lis pontadis
di Maman!? **Cirilîs su**



**ANCJE
'ON DEMAND'
SU telefriuli**

**Cjale lis gnovis
pontadis su
telefriuli**

**Vinars aes 18.30
e in repliche domenie
aes 7.00 e aes 13.00**

STELIS E LUSIGNIS
Noa



Roc. Tu vuelis gjolditi une vite comude e plene, e par vêle tu fasis tancj sfuarç, atent però a no lassâ indaûr la famee.



Gjambar. Intes discussions in famee tu âs di vê un grum di pazienze e no tu âs di rabiâti. Cussi dut si sclaris miôr.



Leon. Par frontâ ben il doman tu âs di dismenteâ fats e personis leâts al to passât.



Vergjine. La Lune e à voie di fâti cualchi dispiet e cussì, biel che tu ti gjoldis un moment di pàs, jê ti fâs un çopedon.



Balance. Tu sês plui viert cu la int e chest ti permet di cognossi personis gnovis, cualchidune e pues diventâ amie.



Sgarpion. Timp indaûr tu âs semenât une vore ben e cumò e je ore di cjapâ sù i risultâts.



Sagjitari. Tu âs di frontâ un biel dubi: restâ leât ae vite di ogni dì o fâ un biel viaç? In duç i doi i câs, tu risolvârâs cuntun truc.



Bec di mont. Sta plui dongje di fradis e amis parcè che a podressin dâti il consei just.



Agarûl. La energjie di chei dis achi ti puarte a fâ une vore di sport, ma une energjie compagne no tu le âs intai rapuarts cun chei altris.



Pes. Ti è vignude tal cjâf une persone che no tu viodis di un pieç, tu fasis ben a clamâle.



Taur. Tal lavôr tu rivis a meti in pratike lis tôs cognossincis e i coleghis ti disin grazie.



Zimui. Alc di chei che ti son intor no ti convinc, tu fasis ben a fâ cualchi pas indaûr e a no cjapâ nissun impegn.

